



## Nastavak akcije 'Blok' u Sarajevu

# SIPA pretresla sef Jasmine Horo

Pronađeni predmeti i dokumentacija koji mogu poslužiti u dokazivanju krivičnih djela

Pripadnici Državne agencije za istrage i zaštitu (SIPA) jučer su, prema nalogu Kantonalnog suda u Sarajevu, a pod nadzorom sarajevskog tužilaštva, pretresli sef u "UniCredit banci" koji koristi Jasmina Horo.



**Radeljaš: U pritvoru**

- Pronađeni su predmeti i dokumentacija koji mogu poslužiti u dokazivanju krivičnih djela koja se stavlja na teret osumnjičenima, a koji su zajedno s Esedom Radeljašom lišeni slobode u akciji "Blok" - izjavila je za naš list Azra Bavčić, portparol sarajevskog tužilaštva.

Radeljašu su u međuvremenu određeni pritvor te

privremena mjera zabrane otuđenja ili opterećenja stambeno-poslovnog objekta i dvorišta u Sarajevu, dok su prema osumnjičenoj Jasmini Horo, Nedžadu Kapetanoviću i Jusufu Čauševiću određene mjere zabrane te mjera zabrane otuđenja ili opterećenja stana u Sarajevu.

Radeljaš i Horo se terete da su počinili koruptivna i druga krivična djela, uključujući i pranje novca, a sve u cilju stjecanja protupravne imovinske koristi na štetu budžeta Općine Novi Grad.

**A. Ka.**